

UNIVERZITET U TUZLI
Broj: 01-157-JN-11/25 LOT 7
Tuzla, 12.12.2025. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-157-JN-10/25 LOT7 od 03.12.2025. godine, po punomoći Rektora Univerziteta u Tuzli broj: 01-6591-14/25 od 18.09.2025. godine, direktor za ekonomske poslove, *donio je*

ODLUKU O IZBORU NAJPOVOLJNIJEG PONUDAČA

I

U otvorenom postupku javne nabavke računarske opreme za Prirodno-matematički fakultet provedenom u cilju realizacije projekta „Genetičke osobenosti populacije Roma: analiza hromosoma X- LOT 7, izabran je ponuđač NEUTRINO d.o.o. Tuzla, sa ukupnom cijenom u iznosu od 2.007,69 KM bez PDV-a, odnosno 2.349,00 KM sa PDV-om, te se istom dodjeljuje ugovor o nabavci roba.

II

Ponuda ponuđača iz tačke I ove Odluke odabrana je iz razloga što u svemu zadovoljava postavljene zahtjeve iz Tenderske dokumentacije i zbog toga što nakon održane E-aukcije ima najnižu ponuđenu cijenu.

III

Ponuđač iz tačke I ove Odluke je obavezan da u roku od 5 (pet) dana od dana prijema ove Odluke, dostavi original ili ovjerene kopije svih uvjerenja/potvrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumenata iz člana 45. Zakona u roku iz prethodnog stava.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Univerzitet u Tuzli pokrenuo je otvoreni postupak javne nabavke računarske opreme za Prirodno-matematički fakultet LOT 7 u svrhu realizacije projekta: „Genetičke osobenosti populacije Roma: analiza hromosoma X”, broj: 01-157-JN-2/25 LOT 7 od 25.08.2025. godine, koji je objavljen na Portalu javnih nabavki, obavještenje broj: 795-1-1-164-3-154/25 od 15.10.2025. godine, a sažetak u „Službenim novinama BiH” broj: 63/25 od 24.10.2025. godine i WEB stranici Univerziteta.

U ostavljenom roku ponudu su dostavila tri ponuđača: NEUTRINO d.o.o. Tuzla, ELUR d.o.o. Kiseljak i “INGEL” d.o.o. Tuzla.

Analizirajući ponude ponuđača Komisija za javne nabavke je utvrdila da ponuda ponuđača ELUR d.o.o. Kiseljak sadrži sve kvalifikacione dokaze zahtijevane tenderskom dokumentacijom, ali ponuđena oprema nije u skladu sa zahtijevanim tehničkim karakteristikama. U stavki baterija i napajanje nudi mogućnost napajanja od 67W, dok je u

specifikaciji traženo brzo punjenje sa 70W. Zbog navedenog ponuda ponuđača se odbacuje kao nepravilna.

Ponuđači NEUTRINO d.o.o. Tuzla i INGEL d.o.o. Tuzla dostavili su prihvatljive ponude koje sadrže sve kvalifikacione dokaze zahtijevane tenderskom dokumentacijom i ponudili opremu u skladu sa traženim minimalnim karakteristikama.

Prihvatljive ponude kvalificiranih ponuđača unesene su u bazu e-nabavke na Portalu javnih nabavki da bi se iste vrednovala u odnosu na zadani kriterij odabira „najniža cijena“ i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 80/23).

Nakon uspješno okončane e-aukcije i u skladu sa Izvještajem o toku i završetku e-aukcije od 01.12.2025. godine sačinjena je konačna rang lista prihvatljivih ponuda prema kriteriju za izbor ponude:

1. „NEUTRINO“ d.o.o. Tuzla, sa ponuđenom cijenom u iznosu od 2.007,69 KM bez PDV-a,
2. „INGEL“ d.o.o. Tuzla, sa ponuđenom cijenom u iznosu od 2.007,70 KM bez PDV-a.

Budući da je ponuđač „NEUTRINO“ d.o.o. Tuzla dostavio prihvatljivu ponudu u skladu sa tenderskom dokumentacijom, koja je primjenjujući kriterij za dodjelu ugovora „najniža cijena“ ocijenjena najpovoljnijom nakon sprovedene e-aukcije, to je Komisija predložila da se ponuđaču dodijeli ugovor o javnoj nabavci računarske opreme za Prirodno-matematički fakultet LOT 7.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove Univerziteta prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocjeni ponuda broj:

01-157-JN-10/25 LOT 7 od 03.12.2025. godine



DIREKTOR
ZA EKONOMSKE POSLOVE

Alden Osmanbegović, dipl.ecc.

DOSTAVITI:

- 1x Ponuđačima
- 1x WEB portal
- 1x a/a